

- 4) Am 2. Juli 1443 wurde Zürich von den 7 Orten der Mitregierung in Baden verlustig erklärt; vgl. ebenda 80.

Kopie, wohl aus der Kanzlei Luzern zuhanden von Stadt und Amt Zug.
AH 67, 88-89

45

1654 Januar [31./]21., Zürich

A

SCHREIBEN VOM ALT AMMANN VON KAPPEL, JOHANN JAKOB SCHEUCHZER,
AN [ALT] AMMANN BEAT II. ZURLAUBEN, ZUG

"Des Herren Schryben sampt byligendem Gält 66 R 12 ss hab ich wol empfangen, übersenden dem Herren hiemit die Vorbehaltenen Stuckh, das Guldin Zeichen, Schüsslen, Und 2 Saltz büchsl. Was das Zeichen antrifft bringt daselbig allein 16 Cronen oder 8 dublen ohne das Ketenli, ist 48 R. Mit dem Ketenli welches 3 Cronen 1/8 1/16 teil Kompt das Zeichen vil höher, wie aber der Herr das Zeichen selber wägen kan welches 8 dublen wigt ohne das Ketenli. Der resolution halber des Silbergschirs [aus der Hinterlassenschaft H e i n r i c h s I. Zurlauben selig - Beat II. Zurlauben war dessen Nachlassverwalter -] ist myn Bruder [Goldschmied Johann S c h e u c h z e r] noch by der ienigen wie vormals, das er ferner nit gäben könne, dann wie daselbig im Wechsel angeschlagen worden, welches zum höchsten alls möglich aestimiert worden, auch in aller weg wie druf gedütet wirt nit wol möglich dass mer zu erlösen sye. Hiemit uns samptlich in Gottlichen Schutz, mich aber zu des Herren Ammans fernerer grossen Gunsten befelende".

Original, mit Siegelresten - AH 67, 90

46

1599 [November 11.] "Sanct Martins ... tag"

A

SCHULDBRIEF VON JAKOB HERMANN VON INWIL FUER MELCHIOR BOSSARD
VON ZUG

"Jch Jacob Herrman, wohnhafitt zu Ynwyl, Bekhenn unnd thun khund offentlichen mencklichen mitt disem Brieff, das mier ... Melchior Posshartt Burger Zug uff min ... begeren ... fürgestrecktt ... Zweyhundertt Guldin gutes bahres geltz ... Zuger werung ...

Dieselbigen sol unnd wyl Jch je demm rechtten Jnnhaber dis Brieffs ... widerumb erleggen unnd bezalen von dato dis Brieffs über ein Jar mitt sambtt Zechen guldin ... Zinses zu erleggen unnd zu bezalen schuldig syn ohne einiche ... Intrag unnd widerred.

Darmitt unnd aber er des synen desterbas versichertt sye so hab Jch zu underpfand hierumb recht unnd redlich Jnngezet unnd hafft gemacht min Hus unnd Husmatten gibtt ohngfar dry Khüöwinteri sambtt einer halb Juchartten Wynwächs, Stost e[r]stlich ann nderen Rein, zum anderen ann Hauptman [Jakob?] W i d m e r s weid zum dritten ann Hans H e r m a n s selig reben unnd weid, Danne ein ried weidli, Stost erstlichen ann die Landtstrass zum anderen ann [alt] Amman [Beat] Uttingers [=U t i g e r] lawatt, zum dritten ann Hans Hermans riedtmatten zum viertten an Baschi M ü l l e r s [von Inwil] ried unnd ann Stoffel N u s s b o u m e r s Byfang. Statt vor uff Husmatten unnd denn reben Zwentzig guldin geltz demm Oswald H u b e r, auch Jme Zwen guldin geltz verzinsendts aber andere güötter, unnd uff demm weidli dritthalb hundertt guldin Haupttgutt, sunst allerdings quitt Ledig unnd los.

Beschach alles mitt den gedingen unnd rechtten so unnd wann Jch mine erben oder nachkhommen ann bezalung hauptt gutts unnd Zinsen sumig syn unnd uff gestellt Zyl unnd tag in weherschafft unnd masen als obstat nitt erleggen unnd bezalen wurdend, so sol unnd mag als dan Je der recht Jnnhaber dis Brieffs überschribne underpfand zu Zug mitt recht anlangen, verkhauffen vergantten alles so lang ... er umb syn haupttsum als obgemeltt, sambtt dem Zins auch Kosten unnd schaden haruff erlüffen usgrichtt wolvernüöggt unnd bezaltt ist alles nach miner gnedigen Herren [Ammann und Rat] von der Statt unnd Ambtt Zug rechtten. Es sol auch alldiewyl Losung nitt beschicht diser Brieff by Krefftten bstahn unnd bhliben. Welchem allem zu wahren vestem Uhrkhundt so han Jch ... mitt ernst erbetten denn ... Hans Jacob S t o c k e r der Zitt Amman Zug ... das er für mich mine erben unnd nachkhommen syn eigen Secret Insigel ... öffentlich getruckt hatt ann disen Brieff".

[gez. Konrad III.] Zurlauben, [Stadtschreiber]

Kopie, von Konrad III. Zurlauben - AH 67, 91-92 - Blatt 92^r leer